

1\* لیفٹنٹ گو رنر منوج سنہا نے حالیہ دہشت گرداں کا سلسلہ مانہہ کہیو ہے جسے بے قصوراں  
غاخون غا بر قطرہ غو حساب لیو جائے گو۔

2\* وزیر اعظم نریندر مو دی پلک سویرے 11 بجے آکاشوانی غا من کی بات پروگرام مانہہ لوکاں  
سنگ اپنا خیالات سانجا کریں گا۔

3\* ضلع کولگام مانہہ پیش آیا اک سڑک حادثہ مانہہ 1 فوجی جوان ہلاک جد کہ 9 دوجا ساتھی  
فوجی اہلکار زخمی ہو گیا ہیں۔

4\* تے بی جے پی صدر رویندر رینہ سمیت بی جے پی لیڈراں اور لوکاں نے اُدھم پور مانہہ یوم  
الحاق منایو اور مہاراجہ بری سنگھ نانہہ خراج عقیدت پیش کیو۔

\*\*\*\*\*

#### LG Sinha

لیفٹنٹ گو رنر منوج سنہا نے اج کہیو ہے جسے وجو د مانہہ آتا خطراں نے اک تازہ حکمت عملی  
واضع کی ہے۔ تے کشمیر مانہہ بے قصورواراں غا خون غا بر قطرہ گو بدلو لیو جائے گو۔ ایس ٹی  
سی بمہما مانہہ 629 بی ایس ایف جواناں غی پاسینگ آؤٹ پریڈ سنگ خطاب کرتاں واں اُنہاں نے  
کہیو جسے بھارت اپنا گونڈیاں سنگ ہمیشہ امن غو خواہشمند ریو ہے۔ موصوف نے کہیو جسے ہم نے  
بد قسمتی سنگ ایسو گوانڈی پایو ہے جھپڑو ہمیشہ اپنا کہر مانہہ غریبی غو سامنو کرن غے با  
وجود امن مانہہ کھودل پان غی کوشش کرے۔ لیفٹنٹ گو رنر نے کہیو جسے بشمول بی ایس  
ایف، پولیس فوج تے مرکزی دستاں نانہہ مل غے کم کرنو وے گو۔ تا جسے جموں کشمیر غی دھرتی  
تیں دہشت گردی ختم کی جا سکے۔

\*\*\*\*\*

#### BSF Infiltration

بی ایس ایف کشمیر فرنٹئر غا انسپکٹر جنرل اشوک یا دؤ نے میڈیا سنگ گل کرتاں واں کہیو ہے جسے  
حدِ متا رکہ غے کول دراندازی نانہہ روکن واسطے گردُ مچ مضبوط ہے اور آتا سردیاں گا موسم  
مانہہ سلامتی دستہ دراندازی غی کسے وی کوشش نانہہ نانہہ ناکام بنان واسطے تیار ہیں۔ اُنہاں نے  
گا ندربل تے گلمرگ غا بالیہ دہشت گردانہ حملہ نانہہ افسوس ناک قرار دتو۔ یا دؤ نے کہیو جسے  
سلامتی دستہ خطرات غو جائزو لے ریبا ہیں اور آئندہ اس طرح غا واقعات نانہہ روکن واسطے  
اقدامات چا ریبا ہیں۔

\*\*\*\*\*

#### Baramulla Attack

جموں کشمیر غا گلمرگ سیکٹر مانہہ ہوا حملہ با رے منیو جا ریو ہے جسے اس دہشت گرد حملہ  
نانہہ 4/3 دہشت گرداں نے انجام دتو ہے۔ اس سلسلہ مانہہ فوج غا قافلہ ور ہوا حملہ غا نتیجہ  
مانہہ 5 افراد ہلاک ہو گیا ان افراد مانہہ فوج غا 2 شہید جوان وی شامل ہیں۔ اس ضمن مانہہ تلا  
شی کا روائی جھپڑی دوجا تہاڑا مانہہ داخل ہو گئی نانہہ گئی رات روکیو گیو تے اس طرح اج  
سویرے مذکورہ کا روائی فر تیں شروع ہو گئی۔ پولیس، فوج تے نیم فوجی دستاں گا جوان تلا  
شی کا روائی چلا ریبا ہیں۔ جھپڑی بابا ریشی تے گلمرگ مانہہ جنگلی علاقہاں تک بدھائی گئی  
اس بارے ایس ایس پی نے جانکاری دتی ہے۔ قابل ذکر ہے جسے جمعہ غے تہاڑے حفاظتی دستاں

نے بڑی تلاشی واسطے ڈراؤن تے بیلی کا پٹر گلمرگ سیکٹر غا قبضہ لکیر آلا علاقہ مانہہ تعینات کیا۔

\*\*\*\*\*

#### PM Modi

وزیر اعظم نریندر مو دی پلک سویرے 11 بجے آکاشوانی غا من کی بات پروگرام مانہہ مُلک تے بیرون مُلک ربن آلا بھارتیہ لوکاں سنگ اپنا خیالات سانجا کریں گا۔ یاہ مابوار ریڈیو پروگرام غی 115 ویں قسط وے گی۔ من کی بات پروگرام آکاشوانی، دور درشن، اے آئی آر نیوز ویب سائٹ تے نیوز آن ائر مو با ٹل ایپ غا تمام پلیٹ فارماں ور نشر وے گو۔ اس تیں علا وہ من کی بات پروگرام اے آئی آر نیوز، ڈی ڈی نیوز، پی ایم او اور وزارت اطلاعات و نشریات غا یو ٹیوب چینل تیں براہ راست نشر کیو جائے گو۔ بندی نشریات تیں فوری بعد آکاشوانی اس نانہہ علاقائی زبانان مانہہ وی نشر کرے گو۔

\*\*\*\*\*

#### Accident

جموں کشمیر گا ضلع کولگام مانہہ اک فوجی جوان سڑک حادثہ گا نتیجہ مانہہ ہلاک ہوگیو ہے۔ جد کہ اک افسر سمیت 9 فوجی اہلکار زخمی ہو گیا ہیں۔ سرکاری ذریعہاں غے مطابق یوہ سڑک حادثہ اس ویلے پیش آيو جد فوجی اہلکاراں غی گڈی سڑک تیں کھسک غے اک کھائی مانہہ جا پئی۔ فوج غے مطابق یوہ سڑک حادثہ کولگام غا دھمال بانجی پو رہ علاقہ مانہہ پیش آيو جس ویلے فوجی جوان علاقہ مانہہ گشت کر رہیا تھا۔ فوجی گڈی سڑک تیں رُبر غے 50 فٹ کھائی مانہہ جا پئی۔ حادثہ غا شکار ہون آلا فوجی اہلکاراں غو تعلق 9 راشٹریہ رائفل سنگ تھو۔ سڑک حادثہ تیں بعد مقامی پولیس تے فوج غا اہلکاراں نے موقعہ ور پُج غے امدادی کاروائی شروع کی اور زخمیاں نانہہ قریبی ہسپتال پجایو۔

\*\*\*\*\*

#### Martyrdom Day

برگیدٹر راجندر سنگھ غو شہیدی تہاڑو اج جموں مانہہ سیکریٹریٹ عمارت غے پچھے راجندر چوک مانہہ منایو گیو۔ برگیدٹر راجندر سنگھ جنہاں نانہہ کشمیر غو محافظ کہیو جائے نے پاکستانی حملہ آوراں نال کشمیر غا بارہمولہ ضلع غی اوڑی سرحد غے نیڑے 5 دن یعنی 21 اکتوبر تیں 26 اکتوبر توڑی لڑتاں واں مُلک غی خاطر جان غی قربانی دتی تھی۔ اُس ویلے مہاراجہ بری سنگھ غی ہدایت ور گجھ فوجی دستہ اوڑی ثوریا گیا جت انہاں نے پاکستانی حملہ آوراں غو مقابلو کیو۔ اور 26 اکتوبر غی رات نانہہ جس ویلے جموں کشمیر غو بھارت سنگ الحاق ہو رہیو تھو اُسے ویلے برگیدٹر راجندر سنگھ نے شہادت حاصل کی۔ اور اگلے دن 27 اکتوبر نانہہ بھارتی فوجی دستاں نے سرینگر مانہہ اپنا قدم رکھیا اور پاکستانی حملہ آوراں نانہہ ہلاک کر دتو۔ اس موقعہ و ر بولتاں واں ویر چکریا فتنہ کرنل ایس ایم سہائے نے اس طرح کہیو۔۔۔ با ٹ۔۔۔

\*\*\*\*\*

#### Accession Day

جموں کشمیر غا دوجا حصار غی طرح بھارتیہ جنتا پارٹی نے سانہہ مانہہ بی جے پی ضلع بیڈ کوارٹر مانہہ یوم الحاق منایو اور جموں کشمیر غا آخری ڈوگرہ حکمران مہاراجہ بری سنگھ نانہہ خراج عقیدت پیش کیو۔ آکاشوانی سنگ گل کرتاں واں ممبر اسمبلی وجے پور چندر پرکاش گنگا نے اس طرح کہیو۔۔۔ با ٹ۔۔۔ اسے طرح اُدھم پور مانہہ وی بھارتیہ جنتا پارٹی نے 1947 مانہہ جموں کشمیر مانہہ بھارتی فوج غی آمد تے اس تیں بعد اس ویلا غا ڈوگرہ حکمران مہاراجہ بری

سنگھ غی طرفوں بھارت سنگ جموں کشمیر غا الحاق غا دستاویز ور دستخط کرن غا تہاڑا نانہہ یوم الحاق غا طور ور منایو۔ اس موقعہ ور بی جے پی صدر رویندر رینہ، بی جے پی لیڈراں، ورکراں تے معزز شہریاں نے مہاراجہ بری سنگھ نانہہ خراج عقیدت پیش کیو۔ اس موقعہ ور آکاشوانی سنگ گل کرتاں واں رویندر رینہ نے اس طرح کہیو۔۔۔ با ٹ۔۔۔

\*\*\*\*\*

#### Pottery Diwali

دیوالی غا تہوار غے مد نظر جموں کشمیر غا ریا سی ضلع مانہہ کمہاراں نے بڑی گنتری مانہہ ماحول دوست مٹی غا دیا بنان غو کم شروع کر دتو ہے۔ مٹی غا برتن بنان غی روایت بھارت غی پرانی دستکاری روایتاں وچوں اک ہے۔ اس سلسلہ مانہہ لوک نسلان تیں اُن غا کہر مٹی غا بنیا دیاں سنگ دیوالی غے دوران روشن کر ریااں ہیں۔ اس ضمن مانہہ مٹی غی مدد نال دیا بنایا جائیں۔ آکاشوانی نال گل کرتاں واں اک کمہار رام سروپ نے کہیو جے اُنہاں نے 20 ہزار دیا تیار کرن غو اک حکم وصول کیو ہے۔ کمہار نے کہیو جے اُنہاں نے دیوالی تیں 20 دن پہلاں دیا بنان غو یوہ کم شروع کر دتو ہے۔ اُنہاں نے کہیو جے جد دیوالی آوے ویں خوشی محسوس کریں۔ کیونجے اس موقعہ ور روزگار ملے۔ رام سروپ نے کہیو جے یوہ تہواراں غو موسم ہے۔ اُنہاں نے مزید اس طرح کہیو۔۔۔ با ٹ۔۔۔

\*\*\*\*\*

#### Age Relaxation

جموں کشمیر غا سابق وزیر تعلیم تے پی ڈی پی غا سینئر لیڈر نعیم اختر نے کل جموں کشمیر واسطے عمر غی حد بارے فکر مندی ظاہر کی ہے۔ اُنہاں نے نقطہ چینی کی ہے جے جموں کشمیر پبلک سروس کمیشن جے کے پی ایس سی عمر غی حد 32 سال مقرر کر رہی ہے۔ جھپڑی جے ناانصافی تے فرقو فرقی آلی گل ہے۔ پی ڈی پی لیڈر نے جموں کشمیر غی پالیسی غو مقابلو متی مستحکم ریا ستاں نال کیو۔ جن مانہہ اُڑیشہ مانہہ 38 بہرا اُتر پردیش مانہہ 40 بہرا بریاناہ مانہہ 42 بہرا ہماچل پردیش مانہہ 35 بہرا غی عمر مقرر کی گئی ہے۔

\*\*\*\*\*

#### India Pak UN

بھارت نے اقوام متحدہ سلامتی کو نسل مانہہ پاکستان غی طرفوں چایا گیا کشمیر مسئلہ بارے نقطہ چینی کی ہے۔ اقوام متحدہ سلامتی کونسل مباحثہ مانہہ بھارت نے پاکستان مانہہ خواتین اور اقلیتاں غی حالت ور افسوس غو اظہار کیو ہے۔ اور اقوام متحدہ سلامتی کو نسل مباحثہ مانہہ خطاب کرتاں واں بھارت غا مستقل نمائندہ نے بھارت غو عزم دوبرایو ہے جے امن رکھن آلا رستہ مانہہ خواتین غی نمائندگی بو بدھائی جائے گی۔

\*\*\*\*\*

#### Date Extend

سینٹرل بورڈ آف ڈائریکٹوریٹ ٹیکسز نے کارپوریٹ ٹیکس دہندگان واسطے آمدنی ٹیکس ریٹرن سال 25/2024 پہرن غی تاریخ بدھا دتی ہے۔ یاه تاریخ بُن 31 اکتوبر تیں بدھا غے 15 نومبر توڑی کر دتی گئی ہے۔

\*\*\*\*\*